



Na osnovu člana 3. Pravilnika o utvrđivanju uslova, kriterija i postupka za izbor najljepšeg dvorišta i balkona sa cvijetnim aranžmanom , Broj:16-18-2294/21 od 11.05.2021.godine, a u cilju očuvanja tradicije ilidžanskih cvijetnih bašči i parkova, podizanja svijesti građana o značaju uređenja i brige o sopstvenom dvorištu, ulici, mjestu i njegovoj čistoći, očuvanju životne sredini, a što će doprinijeti i boljoj turističkoj ponudi, Općinski načelnik raspisuje

## JAVNI POZIV ZA IZBOR NAJLJEPŠEG DVORIŠTA I BALKONA SA CVIJETNIM ARANŽMANOM NA PODRUČJU OPĆINE ILIDŽA

### I

Pozivamo sve zainteresirane građane da dostave svoju prijavu za izbor najljepšeg dvorišta i balkona sa cvijetnim aranžmanom općine Ilidža.

Prijaviti se mogu svi građani koji imaju prebivalište na području općine Ilidža, osim uposlenika Općine Ilidža i njihovih bliskih srodnika sa kojima žive u zajedničkom domaćinstvu.

### II

Odluku o izboru najljepšeg dvorišta i balkona donosi Općinski načelnik na prijedlog Komisije, a koja će običi prijavljena dvorišta i balkone, sačiniti foto-dokumentaciju i ocjeniti ih prema sljedećim kriterijima:

- Održavanje i urednost dvorišta – balkona;
- Prostorni odnosi sadržaja u dvorištu – na balkonu;
- Uloženi trud, izbor i njegovanje biljaka, poštivanje tradicije i elemenata našeg podneblja;
- Ukupni estetski dojam.

### III

Za najljepše dvorište i balkon dodijelit će se po tri nagrade - prva, druga i treća u sljedećim iznosima:

za dvorište:	za balkon
I nagrada 800 KM	I nagrada 600 KM
II nagrada 700 KM	II nagrada 500 KM
III nagrada 600 KM	III nagrada 400 KM

## IV

Obrazac za prijavu na Javni poziv možete preuzeti sa web stranice: [www.opcinailidza.ba](http://www.opcinailidza.ba) ili u Centru za pružanje usluga građanima u Općini Ilidža (Info desk), u ulici Butmirska cesta 12.

Prijava treba da sadrži:

1. Ime i prezime;
2. Tačnu adresu, kontakt telefon ili e-mail adresu;
3. Za koju kategoriju natjecanja se prijavljuje (dvorište/ balkon).

Popunjeni obrazac za prijavu na Javni poziv podnosi se u Centru za pružanje usluga građanima u Općini Ilidža, putem preporučene pošte na adresu Butmirska cesta 12 ili putem na e-mail: [ilidzaturizam@gmail.com](mailto:ilidzaturizam@gmail.com), s obaveznom naznakom : **“Za javni poziv za izbor najljepšeg dvorišta i balkona sa cvijetnim aranžmanom općine Ilidža“**.

**Javni poziv ostaje otvoren 30 dana od dana objavljivanja.**

Sve dodatne informacije mogu se dobiti u Službi za privredu i turizam Općine Ilidža na broj telefona 033/775-754.

Cilj Javnog poziva je da se pruži podrška građanima koji svojim ličnim angažovanjem, doprinose uređenju i ljepšem izgledu svoje ulice, komšiluka i lokalne zajednice.

Broj:16-18-2370/21

Ilidža,19.05.2021

**OPĆINSKI NAČELNIK**

**Nermin Muzur, magistar uprave**





---

Butmirska cesta br. 12. Sarajevo, BiH, tel/fax. +387 33 622-483, centrala 775-600,  
[www.opcinailidza.ba](http://www.opcinailidza.ba), E-mail: [privreda.turizam@opcinailidza.ba](mailto:privreda.turizam@opcinailidza.ba)

